



## Future-proofing our children

Sitopa sa Makalelo

Toho ya Tuto

Nyuluhelo

# Buka ya Bashemi

Sikolo sa la Sunda sa mwa Malapa



# Balatiwa Bashemi

Mwa amuhelwa kwa tuto ye li “**Nyuluhelo**” ya Sitopa sa Makalelo.

Pampili ye i mifa kabukuswani ka mo mu ka lutela tuto ye.

**Mukwa mo mu kona ku itukiseza ni kufa tuto ye ka ona**

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p><a href="https://bit.ly/3NACSSHS">https://bit.ly/3NACSSHS</a></p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> <li>• Bibeke</li> <li>• Mapampili a lukisizwe kale a tuto ye.</li> <li>• Buka mwa sebeleza mwanana, lipotoloto ni lipendiso za banana, ni zeñwi cwalo.</li> <li>• Maswaniso a ku buha a lukisizwe a kona ku sebeliswa ku ekeza fahalimw’a tuto (ha ku konahala)</li> <li>• Katekisema ni buka ya lipuzo ni likalabo (Kwa banana ba ba li mwa litopa za Tiisezo)</li> </ul> <p><b>Mamela:</b></p> <p>2.1: Nako yende ya kufa tuto ki la Sunda ka kusasani, kasamulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye kuswani ha ku konahala, ka ku hupula nakonyana yeo banana ba kona ku teezeza ni ku utwisisa hande. (Mu sike mwa bulela ze sa ami tuto) ya mwanana – Ki mina mu ziba hahulu mwan’a mina ni ku fita. <i>Ka mulao, Sikolo sa la Sunda ha si swaneli ku fitelela mizuzu ye mashumi a mane ka ye keta-lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya Silumeli ni Tiisezo).</p> <p>2.4: Mu lizeze kapa ku ikopanya ni muluti wa Sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mu bone tapelo ye ñozwi, kwa mafelelezo) mi mu kupe Mulimu kuli a mi eze sisebeliso mwa ku fa tuto ye, ka mwa latela.</p>



## Mu fe tuto ya Sikolo sa la Sunda sa mwa Malapa

### Mukwa mo mu kona ku itukiseza ni kufa tuto ye ka ona

Lu zwelapili ku mi fa mikwa, yeo mu swanela ku itukiseza ni ku fa tuto ye:

Muhato	Kezo
4.	Mu eze sibaka sa tuto ku ba se sinde (ku sina lilata) fo mina ni mwanana mu ba ni buino bo buswana. <b><i>Ka mutala:</i></b> Mu ine fa lishasha/ fa museme kamba fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mu iutwisise hande. Mu buhe maswaniso a tuto kuli mu be ni kutwisiso hande
6.	Mu ñole tuñusanyana twa butokwa to mu bata ku hupula ha mu fa tuto.
7.	Mu utwisise butokwa bwa tuto yeo mwanana a swanezi ku mamela ni ku sa libala.
8.	Mu fe mwan'a mina tuto ye, ka ku mu kandekela likande la tuto. Mu kona ni haiba ku mu balela likande le ha mu tabela.
9.	Mu supeze mwan'a mina video, mi mu kutele butokwa bwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kamba mu kupe mwanana kuli a lapele ka ku kwala tuto.

### Lisebeliso zeo li fumanaha ku ama Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Sikolo sa la Sunda.
2. Mu ambole ni bashemi ba bañwi kuli mu be ni kutwisiso ku amana ni tuto pili mu si ka ifa kale ku mwan'a mina.
3. Mu be ba ba lukuluhile, ku batisisa litaba zeñwi ku ama tuto ye.
4. Muongaongi ni muluti wa Sikolo sa la Sunda mwa kopano ya mina ba itukiselize ku mi tusa.



# Tuto

<b>Toho ya Tuto</b>	Nyuluhelo
<b>Timana</b>	Mateu 28 vs16-20
<b>Mutomo/butokwa bwa Tuto</b>	Ku ziba kuli Jesu u fa kaufi kamita, ni kuli wa lu lata.

## Kusufazo ya Tuto:

- Mu ambole ka taluso ya linzwi le “Nyuluhelo”.
- (ku [kambama](#), [ku zuha kamba ku ya kwa halimu](#) -)
- Mu kandeke likande le li tatama la Jesu h’a Kambamela kwa lihalimu.

## Likande ki leo:

Jesu a zuha mwa libita.

A iponahaza kwa balutiwa ba Hae hañata-ñata.

Nako yeñwi, h’a n’a ba ombaomba, a li: “Ni filwe bulena kaufela mwa lihalimu ni mwa lifasi. Mu ye cwale, mu lute macaba kaufela za Ndate ni Na. mu ba kolobeze, mi mu ba zibise ka mo ba swanela ku pilela ili kuli Mulimu a tabe ka bona”.

Kasumulaho a mulalelo wa mafelelezo, ni h’a mano bulela zeo ni ku eza zeo kaufela ne li tokwahala, Jesu a kambamela fa lilundu ni balutiwa ba Hae. H’a li fa lilundu, a ba laeza, a li ku bona: “Ni kutela ku Ndate, kono ha ni na ku mi siya mu linosi. Ni ka ba ni mina.”

Ki h’a otolola mazoho a Hae mi a ba fuyola.

Balutiwa ba mu kubamela. Jesu ki h’a nanuha mi a kambamela ku Ndat’ahe kwa lihalimu. Balutiwa ba kutela mwa munzi ka tabo ye tuna.



## Kanti tuto ye italusa sikamañi ku luna kacenu?

- Kacenu ka Baapositola ni Baluti ba luna, lu ituta za Mulimu ni Jesu Krete mwa Keleke.
- Kaufela luna lu fumana kolobezo, ili kuli lu be kalulo ya Mulimu ni Jesu.
- Lwa lutiwa mwa Keleke kuli lu pile ka nzila yeo Jesu na pila ka yona, mi lu kuteke Me, Ndate, Baluti ba linzwi mwa Keleke ni maticele, fohe, lu ka tabisa Jesu.
- Lu amuhela swalelo ya libi ni Silaalo se si Kenile.
- Lu litezi ku kuta kwa Jesu kuli a to lu nga.

## Zeñwi za lipuzo zeo lu kona ku buza:

1. Kanti Jesu n'a zuhile kai?

Kalabo: Mwa libita.

2. Kanti Jesu n'a bulezi ku bomañi?

Kalabo: Kwa balutiwa ba Hae.

3. Kanti Jesu n'a izeñi kwa balutiwa ba Hae?

Kalabo: Lu zibise ba bañwi ka za Jesu, lu kolobeze batu, mi lu be ba ba lukile mwa lifasi.

4. Ne ku ezaheziñi kasamulaho wa mulalelo wa mafelelezo, wo Jesu n'a bile ni balutiwa ba Hae?

Kalabo: Jesu a laeza balutiwa ba Hae, mi a ba sepisa kuli u ka kuta hape, mi ha lu yo lu linosi. Jesu u fakaufi mi wa lu lata.

5. Kanti Jesu n'a ezizeñi kwa mafelelezo a likande la luna?

Kalabo: Jesu a otolola mazoho a Hae, a fuyola balutiwa ba Hae, mi a kambamela kwa lihalimu.

6. Talusa ka manzwi a hao wena muñi, mo utwela likande le, ni kuli u itutile sikamañi mwa likande mo.

7. Kalabo: Jesu wa lu lata, U fa kaufi, U ka kuta hape, lu litezi ku kuta kwa Jesu, kamba kalabo ifi kamba ifi ye utwahala.



## Litapelo za luna

### **Tapelo ya Bondate ni Boma ye fiwa pili tuto i si ka tateka kale:**

*Ndate ya mwa lihalimu, Na itumele ku Wena kwa lizazi le liñwi la lilato ni sishemo sa Hao. Na kupa u fuyole boma ni bondate, ni baeteleli ba luna, balikani ni mabasi a luna, Lu lapela kuli lu ku late ni kuli lu ka latelela bashemi ba luna. Lu fuyole kuli lu kone ku ba ni sishemo ni lilato mane ni ku ba ni likute ni musa ku be lu kopana ni bona*

*Lwa kupa u fuyole tuto ya Sikolo sa banana sa la Sunda ye, ni kuli nako kaufela lu hupule ku itumela ku Wena ka ku lu keta ku ba bana ba Hao. Lu bata ku inelela mwa tumelo ni ku latelela ku fitela u taha ku to lungela kwa hae. Lu kupa ze kaufela mwa libizo la Hao. Amen*

### **Tapelo kasamulaho wa tuto:**

*Ndate ya mwa lihalimu, Lwa itumela kakuli u lu silelelize, ni ku lu lumelela kuli lu kone ku ba ni likande le linde la Bibe. Lwa itumela kwa ku lu babalela ni ku lu sileleza kwa likozi. Na kupa u lu tuse ku ba ba ba latelela bashemi ba luna, ni ku ba ni sishemo ku be lu kopana ni bona. Na kupa u lu tuse kwa misebezi ya luna ya kwa sikolo. Fuyola Muapositola yo Muhulu, Baapositola ni baeteleli ba keleke kaufela, mi u ba sileleze mwa misipili ya bona, ili kuli ba lu lute zeñata za musebezi wa Hao. Na kupa u tuse bana ba Hao kaufela, sihulu ba ba kula, ni ba ba sina sa kuca ni malobalo. Taha kapili u lu ngele kwa hae. Lu kupa ze kaufela, isi kuli za lu swanela, kono mwa libizo la Jesu. Amen.*